

塞外紀程

北810
8472

程塞外紀

陳廷榮署

塞外紀程序

塞外紀程者安平陳定齋先生謫戍軍台往還紀程之所作也當乾隆十一年丙寅春河工濱海穿防原不爲患河督白鍾山爲御史糾彈繫獄且令賠補先生聞之念舊與鍾山共事不宜獨令受禍因自引咎且辯其罔牒部科畧曰陳家浦堤漫溢之時各處船隻分往水至之處接濟人民未據報有淹斃人口今查勘濟渡不及致斃者自屬應有難云未損一人是本道亦失查察若止將總河議處本道以調任幸免雖吏議可逃而清夜難安伏乞一併議處至善後案內遙越堤

塞外紀程

工經大學士等議覆應行修築奉旨依議遵照辦理今勘尾堤離圍堤六百丈係無益之費着落白鍾山賠補本道查黃河水勢倏忽變遷此工在雲梯關五十里雲梯關卽當日之淮河海口黃河南徙淤出二百餘里上雖淤土底則海沙虛鬆頃刻刷深四五丈楛埽難施居民鮮少人夫難集或水勢過大倉卒搶築之越隄難資捍禦不能無潰決之虞是遙堤之築實爲有備無患若河工陰資保障而錢糧獨累賠補似非情理之平河工不過補偏救敝原無萬全之策總河職任危苦養廉不及督撫之半偶有意外之虞議處之罷斥之足



矣重之以賠累則任事者愈難人非貪黷誰有餘財非聖世所以勵臣節也部臣以聞卒謫軍台乃於丁卯年十二月十三日從容就道以四駱駝載書自隨到台後築土屋以居日事著書慨然有終焉之志越明年以子慶升乞贖得請始環往還台站所經皆有紀述卽斯編也先生以真品實學爲清代有數名儒生平著作皆經梓行易箋一種四庫全書且搜採及之惟此編未刻原稿尙存先生故里白雲山莊百八十年來歷劫不磨彌足矜異亦以見子孫護持之賢矣余旣跡而得之念爲先生大節所系雖字墨無多其可珍視有在乎

塞外紀程

尋常文字之外者因付劖劖以廣流傳而資興感蓋其謀國之忠待人之恕赴義之勇律己之嚴胥於此行見之滔滔茲世安得尙有斯人哉觀其落落莫莫衝寒投荒曾無幾微見於顏面富貴利達得失榮辱皆能度外置之以視范文正所謂如四時寒暑之過乎吾前者甯多讓焉

民國二十二年三月貴陽後學凌惕安謹序

陳法傳

陳法貴州安平人康熙五十二年進士改翰林院庶吉士散館授檢討五十六年充順天府鄉試同考官五十九年充會試同考官雍正初特旨舉翰林才堪部務者改刑部郎中八年授直隸順德府知府所屬平鄉牛產子一角龍鱗而牛蹄知縣以爲麟將上之法抑不許尋引疾歸高宗登極以孫嘉淦薦授山東登州府知府擢運河道調江南廬鳳道復調淮陽道法考論河務著河干問答謂河濟爲北紀江淮爲南紀不可易置今河淮二瀆交流爲害直導河自張秋以東入大

塞外紀程

清河循濟潔之故瀆以入於海嘉淦見其書善之乾隆十年調直隸大名道是歲河決江南陳家浦河督白鍾山被劾去責令賠補法念舊於鍾山同事不可使獨受譴牒部科自引咎且爲鍾山辯析奉旨下部議革職發軍台効力法以四駱駝負書數萬卷赴第十六台日著書自娛台舊無井法示其地掘之得泉而甘人號陳公井以子慶升呈懇爲父贖罪得旨放歸法居官爲政以教養爲先興利除弊力挽頽風公蹟文告皆手治情詞懇欵既久人猶感誦之生平潛心性理尤服膺朱子之學其伯父嘗棄諸生入深山中求道靜坐月餘

云忽見此心光明洞澈與天地萬物爲一體法疑之後以憂歸里於山寺中徧觀楞嚴圓覺法華諸經乃知象山陽明之說實類禪宗因著明辨錄以闢其非謂象山心學卽釋氏直指人心以頓悟爲道妙本集中於楊慈湖有雙明閣之悟於詹子南有下樓之悟於徐仲誠有槐堂鏡中觀花之悟此卽廖子晦靜坐中見所謂充周而洞達者萬物在其中各各呈露朱子斥之以爲此思慮泯絕恍惚間瞥見心性影象與聖賢真實知見不同者也陽明在龍場端居默坐一夕大悟汗出踴躍若狂卽錢緒山蔣道林羅念庵凡學墮於禪者無不

塞外紀程

有此頓悟之機與子晦所見無二子晦得朱子就正乃悟所見之非象山獨學無師而於孟子所謂本心所謂求放心者有契合焉然其言求放心則遺學問言先立乎其大則廢思俱未暇深求其義而於其本心之明或靜中體究或因事感觸此知覺之知恍惚呈露蓋不難矣遂於此而謂此心本靈此理本明云收拾精神自作主宰當惻隱卽惻隱當羞惡卽羞惡誰能欺得是此心已全乎仁義禮智發之無不當大舜之由仁義行更何俟四端之擴充豈孟子教人之旨乎夫聖賢所謂復其本心者復其皆備之心象山所謂復其本心者

復其虛靈知覺之心則一心外無餘事故詆格致爲支離視
集義爲外義本原既差功效自不能不異而儒釋遂以此分
矣又謂良知之說本之孟子惟孟子本愛敬而言陽明離愛
敬而言是假良知之名以文其靈覺之知也陽明既曰良知
卽理又曰良所知之天理是已歧而二之矣既曰良知卽
性又曰佛氏本來面目卽儒門所謂良知佛氏本來面目果
性耶天理耶其所謂致者一若不假推致之力純任自然無
往非道孔子生安猶至七十而始不踰距今欲人人不學不
慮坐致於此其不致猖狂妄行者幾希此任心廢學之弊也

塞外紀程

其論格致謂程子以格訓至如祖考來格之格卽書所謂格
于上下之格羅整庵引呂成公通徹無間之義極爲得之夫
子孫之精神卽祖考之精神當其未格不能無幽明之異格
則精神訢合而無間矣物之理卽吾心之理當其未格不能
無彼此之間格則理皆渾合而無間矣而陽明以爲至物不
可通此泥於訓詁之失也書凡十篇辨論至明哲居軍台時
著易箋八卷取程朱傳義發明之大旨以人爲主而深闢來
知錯綜之說桂林陳宏謀與法最契迎居蘇撫署中嘗應詔
舉賢再疎薦法法無意仕進歸主貴山書院十有八年而卒

又著有內心齋稿

見儒林國史傳

塞外紀程

四

塞外紀程

安平陳 法定齋著

乾隆十二年丁卯十二月十三日出都三十里宿清河
十四日四十里至昌平州卽僱肩輿而行二十五里至南口
十五日十二里至居庸關三里至延慶衛七里至上關八里
至扒搭嶺七里至岔道口由南口至岔道口路在兩山中
所謂官溝亂石填塞車行傾側聲若轟雷征人苦之居庸
關不甚高但有關名並無守兵延慶衛城在山凹中不如
扒搭嶺爲扼要由上關至岔道口皆兩山夾峙一逕迤邐

塞外紀程

曲折穿通嚴兵守之雖百萬衆不能過也懷宗信任中人
使闖賊得踰安足惜哉

十六日由岔道口至懷來縣

十七日二十里至土木驛五十里至保安州

十八日二十里雞鳴驛十里上河沿過黃河十里下河沿十
里响水鋪三十里宣化府

十九日三十里沙嶺三十里胡家屯皆砂路難行

二十日二十里夏家屯二十里舊懷安二十里新懷安是日
屢通洋河蓋是河曲折於兩山之中不止三折如巴字也

宣化一帶皆荒山地寒不種冬麥村落稀少畏旱不畏潦
洋河收衆山之水入桑幹河此永定河之水所以驟漲也
二十一日三十里尤家店二十里宿天鎮縣是日過翟兒嶺
一帶山岡崎嶇難行

二十二日三十里至三十里鋪又三十里至陽和縣縣臨邊
途中見山嶺皆邊城西北一帶山橫巨縣城在山下又三
十里住王官屯

二十三日至巨鹿鎮三十里又三十里雲西又三十里宿大
同府府城外玉河之水自北而南入洋河會桑乾係山水

塞外紀程

橋名興雲長約半里寬數丈兩端四鐵牛石欄竟橋刻人
物花卉極工巧石柱上獅子向背各異態亦工於桑乾也
城內喧填

二十四日四十里過洋河至雲岡一帶皆山路傍石壁就鑿
爲大佛覆以琉璃瓦壁間寺類者儼然見天竺先生也又
四十里宿高山堡就山爲堡故名

二十五日三十里雲西停車打聽一人前逡巡叩拜問無恙
詢之則舊日順德長隨劉美也今爲左雲縣丁守驛於此
敬致酒餅之餽人生何處不相逢信哉三十里至左雲縣

又二十里宿雲陽

二十六日四十里黃土坡又三十里朔平府右玉縣又三十里宿殺虎口

二十七日辰刻出口三里佛爺溝又三十里填底宿

二十八日十八里烏蘇土魯又三十里至二十家子街市喧填滿兵五十副甲同知一員駐守煙戶約二百餘其名二十家者記其始也又三十里一間房宿

二十九日三十里哈拉烏蘇又二十里黑河又二十里至歸化城歸化城在大青山下局市雄廠市井喧填百貨皆集

塞外紀程

三

商賈輻輳地肥衍內地之民無田可耕者視爲樂郊五穀柴煤炭皆賤於內地食物美有黃羊山鹿雉兔黃河大魚是年魚賤十五文一斤耳

乾隆十三年戊辰正月初六日立春

十八日自歸化城行三十里宿焦贊墳此處有人戶然不歇店卽宿穹廬中

十九日五十里過吳公墳宿四爾登是日穿大青山而過吳公墳卽是山也高三四里下至山麓復行山夾中數里迂回曲折出來卽小山連亘四爾登尙有開鋪人戶過此卽

無人矣

二十日四十里宿插拉厄蘇皆平山連亘

二十一日三十里宿烏子兔

二十二日宿白羊薄落計程七十里

二十三日宿可里七十里

二十四日二十里過貝勒河又行四十里宿巴棱

二十五日三十五里宿西白課

二十六日四十五里宿場套

二十七日阻風未行

塞外紀程

四

二十八日四十五里宿招索灘

二十九日六十里宿木歸圖

二月初一日五十五里至十四台

初二日五十里至十五台

初三日六十里至十六台

乾隆十四年八月十二日奉文回籍

十九日自十六台起程六十里至十五台宿

二十日五十里至十四台宿

二十一日四十里至十三台宿

二十二日五十五里至腰站宿地名阿石黑山舟

二十三日八里至十二台宿是日晤帥方伯贈以瀚海石十餘枚

二十四日六十里至十一台自十一台至此途中皆小石山路十一台之北十一里間偶有石似瀚海者但欠光潤耳

二十五日六十里至十台
二十六日六十里至九台是日晤程方伯至腰站又五十里至八台

二十七日過沙拉樸梭河

塞外紀程

五

二十八日五十里至腰站又六十里至七台是日晤海南監司劉公諱庶素昧平生一見如故情意甚慇懃也

二十九日六十里至腰站台北五里許多佳石甚於瀚海中
也

九月初一日六十里至六台

初二日四十里至腰站又五十里至五台

初三日四十里至腰站又六十里至四台是日晤沈太守留
小灰鼠皮襖與之

初四日過札哈蘇台河三十五里至腰站又六十里至三台

初五日五十里至腰站又四十里至二台

初六日五十里至腰站又四十里至頭台是日晤周世兄

初七日六十里至張家口

附詩

軍台土屋落成四首

投荒猶戴

主恩偏環堵居然受一塵絕域餘生活覆載數椽高枕
靜烽煙遠山當戶還輸翠塞月窺簷也自圓從此飄搖
辭毳幕炎風朔雪總安眠

塞外紀程

六

客至休嫌屋打頭拮据廣廈等綢繆材從雪窖枯餘得
土是龍堆刼後留豈有板升遺屬國何來蝸角峙蠻陬
窮荒野處由來慣瀚海應驚見蜃樓

鳥言鞮屨往來頻似說荒原氣象新蕭索正宜銘陋室
羶羶却笑卜芳鄰爰居已自歌陶復靡室何勞憶遠人
乳酒數杯遊太古始知懷葛有遺民

景物還跨大漠奇休將欵側誚支離風吹雞塞塵爲幕
雪壓天山玉作籬列炬門前飛夜檄品官庭內肅威儀

台
中
張
英
百
十
庫
筆
帖
式
遇
歲
節
皆
參
謁
放
衙
却
笑
郵
亭
長
砂
積
牛
羊
散
曉

曦

奉

聖旨回籍題壁五首

丹詔飛來特賜環秋風好逐雁臣還不因倚里歸心切
未許平山風月間

出塞丁年同屬國還鄉兩載

主恩殊讓他遺像懸麟閣輸我萊衣拜慶圖

靜裏耽思河洛文彖爻妙義晚方聞多因憂患知消息
不為他年識子雲

塞外紀程

七

苦水標名瀚海隈靈泉指點幻仙迴千年記取陳公井

也當燕然勒石回

十六臺名木胡爾嘴瀆苦水也子初至飲之腹中

作腸以鳴杖召予至畫地作井字形既悟夢衣往視之
而行以杖召予至畫地作井字形既悟夢衣往視之
沙中猶隱隱有字形遂以石志其地鑿
之果得甘泉台人異之因名陳公井

到來已覺人情熟歸去翻憐惜別頻小大殷勤奉杯酒

再來真笑惠州人

東坡去惠州人送
之曰內翰何時再來

由台次入張家口五首

恩綸捧到日星爛解網

皇仁天地寬紫塞望雲魂已斷白頭倚閭淚初乾首邱

已畢殘年願裹革應慚報

國難此去團圞扶阿母辦香稽首五雲端

瀚海

恩波起涸鱗騰騰馬首出風塵一肩家具隨駝背萬里
秋風逐雁臣競說登仙誰得似使傳化鶴豈無因可憐

揮手河梁日處處離觴別故人

台中多舊識

鄉園翹首望天涯攬轡寧辭道路賒正及萱堂陳柏酒
還看荆樹發春華羶漸覺離腸胃番語傳來棘齒牙
曾乞天孫機畔石

携瀚海石十餘枚而歸

奚囊安穩下星槎

塞外紀程

八

千峰萬壑聳烟景遙指邊城絕嶺間三晉青山皆繞塞

二東斜日獨臨關谷通秦塹聲靈壯天入遙峯紫氣環

聖世享王周薄海晴雲飛鳥戍樓間

山自十六台至二台皆不甚高自二

台行七八十里有大山橫巨名曰大壩上至山頂遙山
干峯萬壑出沒雲端即宜在大同一帶諸山也下至望
口邊城適當兩山夾送一水迤邐直通張家

邊城盡處是神州回首輕拋萬斛愁疲馬入關都踴躍

秋風拂面也和柔食孰旅飯霜蔬美路近春明節使稠

依舊中原風物好江山重展水雲眸

跋

余束髮受書從世父靜川公學嘗爲言

十四世祖定齋先生任直隸大名兵備道時因陳家浦河堤決口爲河督白公鍾山辯冤致有塞外之行紀程之作楷聞

而敬之以不得讀爲憾民國三年甲寅春兒子祖銘肄業貴

陽由 蓉屏祖叔處得到塞外紀程一冊浣誦再三見當日

定祖於冰天雪地之中行荒漠邊遠之地他人視爲難堪者吾 祖獨處之泰然及到十六台後飲食起居隨遇而安不嫌荒野不避羶羶觀象玩占箋註不懈一若無謫戍之事

塞外紀程

九

者愛國思親之忱復時時流露於詩句間是誠中庸所謂素患難行乎患難素夷狄行乎夷狄無入而不自得者殆無忝於古之君子也今年春貴陽 凌君惕安專函訪求因舉全稿寄之夫富貴利達人情所羨窮困坎坷人世所畏吾 祖獨不愛爵祿不辭艱苦毅然違衆議發正論爲國家建議爲良朋辯冤不因調任而萌倖免之心實有非尋常所能及者凌君慨晚近士大夫之工於趨避巧於彌縫爵祿之念重國家之念輕一任是非之顛倒不肯直言如江河之日下也待將吾 祖塞外紀程捐資付梓廣爲流傳以磨世而礪俗

其維持世道人心之苦衷昭然若揭楷自愧不能闡揚祖
烈而感 凌君之能發潛德幽光也爰跋數語以歸之
民國二十二年二月紹書陳楷識於白雲山莊

塞外紀程

十

